

Հարգելի գործընկերներ,

Թույլ տվեք շնորհավորել ՀՀ ԳԱԱ մոլեկուլային կենսաբանության ինստիտուտի
50-ամյակի առիթով:

Մոլեկուլային կենսաբանության ինստիտուտն իր անցած ուղով ուրույն տեղ ունի
Հայաստանի արդի գիտական համակարգում: Իրականացվող բազմաբնույթ գիտական և
հետազոտական ծրագրերը, անձնակազմի մասնագիտական արհեստավարժությունը,
միջազգայնացման գործընթացի ինտեգրման ուղղությամբ տարվող աշխատանքներն իրենց
անմիջական ազդեցությունն ունեն երկրի գիտական համակարգի ձևավորման գործում:

Այսօր ակադեմիական ինստիտուտներում աշխատում են բազմաթիվ վաստակաշատ
գիտնականներ: Ամեն տարի ակնհայտորեն բարելավվում են մեր գիտնականների
աշխատանքի արդյունավետության ցուցանիշները, բարձր վարկանիշ ունեցող ամսագրերում
տպագրված հոդվածների քանակը և որակը: Եվ, այս առումով, մոլեկուլային կենսաբանության
ինստիտուտի դերը և կատարած աշխատանքներն էական են: Ձեր ինստիտուտը գրեթե
մշտապես ակտիվորեն մասնակցում է ՀՀ ԿԳՆ գիտության պետական կոմիտեի կողմից
կազմակերպվող բոլոր մրցույթներին, ծրագրերին: Ինստիտուտի գիտաշխատողները
ներգրավված են պետական բյուջեից ֆինանսավորվող գիտական և գիտատեխնիկական
թեմաներում և ծրագրերում, ինստիտուտում հաճախ են կազմակերպվում գիտական
միջոցառումներ: Երիտասարդ գիտնականները մասնակցում, ինչու չէ, նաև կազմակերպում են
ամառային դպրոցներ, օգտվում են երիտասարդ գիտնականների աջակցությանն ուղղված
դրամաշնորհներից: Բավականին զարգացած են ինստիտուտի կապերը միջազգային
գիտական համագործակցության բնագավառում: Ինստիտուտն ինտեգրված է միջազգային
գիտական համակարգի մեջ և սերտորեն համագործակցում է մի շարք արտասահմանյան
գիտական կենտրոնների և համալսարանների հետ:

Հարգելի գործընկերներ,

Գիտության պետական կոմիտեի և անձամբ իմ անունից կրկին շնորհավորում եմ
հոբելյանական օրվա առիթով: Գիտական անսպառ եռանդ, գործին սեր ու նվիրում եմ
մաղթում ինստիտուտի ղեկավարությանը և ողջ անձնակազմին: Հաջողություններ և նորանոր
ձեռքբերումներ ձեզ գիտության ոլորտի զարգացման գործում: